

Tuttut piniagaanerat illersugaanerallu pillugit Namminersorlutik Oqartussat nalunaarutaat

Piniarneq aallaaniarnerlu pillugit Inatsisartut inatsisaanni nr. 34-mi, 13. juuni 2023-meersumi kingornalu allanguummi, § 2, imm. 3, § 4, imm. 2, § 13, imm. 6, § 15, imm. 1 aamma imm. 2, § 16, imm. 4, § 19, § 20, imm. 1, § 21, § 22, imm. 8, § 23, imm. 4, § 25, imm. 1, 2. pkt., imm. 5 aamma 7, § 26, imm. 1-4, § 28, § 29, imm. 1, aamma § 39 kiisalu qimmeqarnek qitsuuteqarnerlu pillugit Inatsisartut inatsisaanni nr. 18-imi, 30. oktober 1998-imeersumi § 3, imm. 2, naapertorlugit aalajangersarneqarpoq:

Kapitali 1

Atuuffik aamma nassuiaatit

Atuuffik

§ 1. Nalunaarut manna Kalaallit Nunaanni tuttut nujuartat (*Rangifer tarandus*) piniarneqarnissaannut illersorneqarnissaannullu atuuppoq.

Nassuiaatit

§ 2. Nalunaarummi matumani uku imatut paasineqassapput:

- 1) "Tuttut": tuttut aqutsiveqarfinni pineqartuni aallaqqaataanit pisut, tuttut Peary-t kiisalu tuttut ukiumik 1-mik sinnilimmik utoqqaassusillit nalunaaqutserneqanngitsut nunaminertaniit nujuitsunut tuttuuteqarfinniit aninikut.
- 2) "Aqutsiveqarfii": Kalaallit Nunaanni nunap immikkoortuinut kommuneqarfinnullu aggorneqarnera pillugu Inatsisartut inatsisaanni § 2 naapertorlugu kommunit killeqarfi.
- 3) "Assartuutit motorillit": assartuutit motorillit sulluunniit nunakkut sikukkullu tutturnik piniarnermut atatillugu atorneqartartut imaluunniit piniarfimmu piniarfimmiilluunniit assartuutit atorneqartartut.
- 4) "Akiliuteqarluni piniarneq": Akiliuteqarluni tutturniarneq akiliuteqartitsinikkut aallaaniarnermik aaqqissuussisartumit akuerisaasumit aaqqissorneqartoq.

Kapitali 2

Eqqissimatitsineq

§ 3. Tuttut Kalaallit Nunaani tamani eqqissimatitaapput, taamaattorli §§-ni 4-mi, 6-mi aamma 8-mi pineqartut pineqanngillat.

Imm. 2. Tuttut piaqqiorfiup nalaani piffissami 1. maaji-miit 31. maaji ilanngullugu ujartornissaat akornusersornissaallu inerteqqutaavoq.

Imm. 3. Umassusilerinermik siunnersuineq aamma piniartut atuisullu ilisimasaat tunngavigalugu Naalakkersuisoq piniarnermut akisussaasuusoq nunaminertanik piffissanillu tuttunut mianerisassanik suliaqarfiusunillu killilersimaarfigineqarfiusussanik toqqaasinnaavoq.

Kapitali 3

Pisassiissutinik, piffissaliussanik piniarfiusussanik aamma piniarfissanik aalajangersaaneq

Pisassiissutinik aalajangersaaneq agguaassisarnerlu

§ 4. Umassusilerinermik siunnersuisoqareernerup kingorna aamma piniartut atuisullu ilisimasaat tunngavigalugit Naalakkersuisoq piniarnermut akisussaasuusoq tuttoqatigiinnut ataasiakkaanut tuttunik piniarnissamut pisassiissutinik aalajangersaassaaq.

Imm. 2. Pisassiissutit, imm. 1 takuuk, umassusilerinermik tunngaveqartumik, piniarnikkut eqqarsaatigisassat pillugit imaluunniit tuttoqatigiit eqqarsaatigalugit, tassunga ilanngullugit silap pissusianut tunngassuteqartut kinguneri, tuttunut utoqqaassutsimikkut, suaassutsimikkut aamma piniariaatsinut kulturimut tunngassuteqartunut aalajangersimasunut immikkoortinneqarlutik, soorlu assersuutigalugu qimussimik tuttunniarnermut, aalajangersarneqarsinnaapput.

Imm. 3. Tuttoqatigiinnut umassusilerinermik siunnersuisoqanngippat pisassiissutit Naalakkersuisoq piniarnermut akisussaasuusumit mianersornissaq tunngavigalugu aalajangersarneqassapput.

Imm. 4. Naalakkersuisoq piniarnermut akisussaasuusoq pisassiissutinik imm. 1 malillugu aalajangersarneqartunik aqutsiveqarfinnut agguaassissaaq.

Imm. 5. Piniarnek pillugu Siunnersuisoqatigiinni ilaasortat aamma inuussutissarsiutigalugu piniartut kattuffii/peqatigiiffii suliamut attuumassuteqartut pisassiissutinik aalajangersaasoqannginnerani tusarniarneqassapput, soorluttaaq tamanut ammasumik tusarniaasoqassasoq.

Imm. 6. Tuttunik nunap immikkoortuata ataatsip killeqarfiaata iluani pisassiissutit atunngitsuukkat pisassiissutinut tamarmiusunut nunap immikkoortuani pineqartumi ukiup pisassiiffiusup tullianut nuunneqarsinnaapput. Aqutsiveqarfikkaartumik aamma nuussisoqarsinnaavoq. Pisassiissutinik tamakkerneqanngitsoortunik periuseq tassaavoq ukiumiit ukiumut amerliartuutaanngitsumik nuussineq.

Kommunalbestyrelsip pisassiissutinik agguaanera

§ 5. Kommunalbestyrelsip § 4, imm. 4, malillugu pisassiissutit agguaanneqartut aqutsiveqarfinni ataasiakkaani illoqarfinnut aamma inoqarfinnut agguarsinnaavai, taamaattoq imm. 2 takuuk.

Imm. 2. Pisassiissutinik agguaassineq sioqqullugu aqutsiveqarfinni inuussutissarsiutigalugu piniartut kattuffiisa / peqatigiiffiisa tusarniarneri kommunalbestyrelsip ingerlattassavai, soorluttaaq aqutsiveqarfinnut tamanut ammasumik tusarniaaneq ingerlattassallugu.

Imm. 3. Kommunalbestyrelsip imm. 1 malillugu pisassiissutinik agguaassinermi angusat inerneru pillugit Piniarnermut Naalakkersuisoqarfimmu pisassiissutinik agguaassinerup kingorna kingusinnerpaamik sapaatip akunnera 1-mik qaangiunnerani allakkatigut nalunaaruteqassaaq.

Piffissaliussanik piniarfiusussanik aalajangersaaneq

§ 6. Uumassusilerinermik siunnersuuteqareernerup kingorna kiisalu piniartut atuisullu ilisimasaat tunngavigalugit Naalackersuisoq piniarnermut akisussaasuusoq killilersukkamik tuttniarnissamut aamma akiliuteqarluni tuttniarnissamut piffissaliussanik aalajangersaassaaq.

Imm. 2. Imm. 1-imi tuttniarnissamut piffissaliussat 1. aggusti-miit 30. apriili-mut piffissap iluani taamaallaat aalajangersaaffigineqarsinnaapput.

Imm. 3. Piniarnej pillugu Siunnersuisoqatigiinni ilaasortat aamma inuussutissarsiutigalugu kattuffiit/peqatigiiffiit piffissaliussanik piniarfiusussanik aalajangersaasoqannginnerani tusarniarnejqassapput.

Kommunalbestyrelsip piniarnissamut piffissaliussanik aalajangersaanera

§ 7. Kommunalbestyrelsi § 6, imm. 1, malillugu tuttniarnissamut piffissaliussat aalajangersarneqartunut sinaakkutit iluanni tuttoqatigiit ataasiakkaanut aqutsiveqarfiiit ataasiakkaat iluani tuttniarnissamut piffissaliussanik aalajangersaasinnaavoq, taamaattoq imm. 2 takuuk.

Imm. 2. Kommunalbestyrelsip imm. 1 malillugu tuttoqatigiinnut ataasiakkaanut tuttniarnissamut piffissaliussanik aalajangersaasoqannginnerani aqutsiveqarfimmi inuussutissarsiutigalugu piniartut kattuffii/peqatigiiffii tusarniartassavai, soorluttaaq tamanut ammasumik tusarniaaneq ingerlattassallugu.

Imm. 3. Kommunalbestyrelsi tuttniarnissamut piffissaliussat aalajangersarneqartut pillugit Piniarnermut Naalackersuisoqarfimmut aalajangersaanerup kingorna kingusinnerpaamik sapaatip akunnerata 1-p qaangiunnerani allakkatigut nalunaaruteqassaaq.

Piniarfissanik aalajangersaaneq

§ 8. Uumassusilerinermik siunnersuuteqareernerup kingorna kiisalu piniartut atuisullu ilisimasaat tunngavigalugit Naalackersuisoq piniarnermut akisussaasuusoq killilersukkamik tuttniarnissamut piniarfissanik aalajangersaassaaq.

Imm. 2. Piniarnej pillugu Siunnersuisoqatigiinni ilaasortat aamma inuussutissarsiutigalugu piniartut kattuffii/peqatigiiffii piniarfissanik aalajangersaasoqannginnerani tamanut ammasumik tusarniarnejqassapput.

Kommunalbestyrelsip piniarfissanik aalajangersaanera

§ 9. Kommunalbestyrelsip piniarfiit § 8, imm. 1, malillugu aalajangersarneqartut killilersinnaavai, taamaattoq imm. 2 takuuk.

Imm. 2. Kommunalbestyrelsip imm. 1 naapertorlugu piniarfissanik aalajangersaannginnerani aqutsiveqarfimmi pineqartumi inuussutissarsiutigalugu piniartut kattuffii/peqatigiiffii tusarniartassavai, soorluttaaq tamanut ammasumik tusarniaaneq ingerlattassallugu.

Imm. 3. Kommunalbestyrelsi piniarfissat imm. 1 malillugu aalajangersarneqartut pillugit Piniarnermut Naalackersuisoqarfimmut aalajangersaanerup kingorna kingusinnerpaamik sapaatip akunnera 1-p qaangiunnerani allakkatigut nalunaaruteqassaaq.

Kapitali 4

Killilikkanut tuttunniarnissamut akuersissutinik agguaassineq

Killilikkanut tuttunniarnissamut akuersissutinik tunniussineq

§ 10. Killilikkanut piniarnissamut akuersissutinik tunniussineq inuussutissarsiutigalugu piniartunut ataasiakkaanut taamatullu sunngiffimmi piniartunut ataasiakkaanut qinnuteqartitsinikkut pissaaq.

Imm. 2. Piniarnermut Naalakkersuisoqarfiup inunnut aqutsiveqarfinni allani najugaqartunut akuersissutit amerlassusaat killilersinnaavaa.

§ 11. Kommunalbestyrelsi, §§ 4, 6 aamma 8 malillugit pisassiissutit, piniarfiit aamma piniarnissamut piffissaliussat iluanni, qinnuteqartunut atuuttumik piniarsinnaanermut allagartalinnut aamma aqutsiveqarfimmi inuit allattorsimaffianni najugalittut nalunaarsorsimasunut akuersissutinik agguaassisinnaavoq tunniussinnaalluni.

Imm. 2. Akuersissut qinnuteqartunut ukiup siuliani § 29, imm. 1, malillugu pisanik nalunaaruteqarsimasunut tunniunneqarsinnaavoq aamma qinnuteqartunut nutaanut imm. 1-mi aamma imm. 4-mi piumasaqaatinik naammassinnittunut tunniunneqarsinnaalluni.

Imm. 3. Naak imm. 1-imi aalajangersagaqaraluartoq, Piniarnermut Naalakkersuisoqarfiup inunnut aqutsiveqarfinni allani najugaqartunut aqutsiveqarfimmi piniarsinnaanissaat akuersissutigisinnaavaa, tamannalu aqutsiveqarfimmi pineqartumi killilerneqanngitsumik tuttunniarnissamut pisassiisoqartillugu aatsaat pisinnaalluni.

Imm. 4. Qinnuteqartut piffissami qinnuteqarfusumi 15-inik ukioqalereersimassapput piniarnermullu allagartartik § 14, imm. 4-mi, piffissarititaasup iluani akilereersimassallugu.

Makitsinikkut akuersissutinik agguaassineq

§ 12. Aqutsiveqarfimmi imaluunniit kommunimi qinnuteqartut akuersissutinit tunniunneqarsinnaasunit amerlaneruppata, agguaassineq makitsinikkut pissaaq.

Imm. 2. Akuersissutit sinneruttut aammattaq makitsinikkut agguaanneqassapput.

Imm. 3. Makitsinermut atatillugu kommuni qinnuteqartut akuersissutinik tunineqanngitsunut utaqqisut allattorsimaffiannik pilersitsissaaq. Utaqqisut allattorsimaffiat akuersissutinik kingusinnerusukkut agguaassisoqaqqissappat atorneqassaaq, § 13, imm. 2, takuuk.

Imm. 4. Makitsineq tamanut ammasumik ingerlanneqassaaq. Kommunalbestyrelsi makitsinissaq kingusinnerpaamik ullorsiutit malillugit ullunik arfneq-marlunnik sioqqutsilluni, makitsinermut piffissaq sumiinnissaalu tamanut nalunaarutigissavaa.

Imm. 5. Aqutsiveqarfinni isorartuuni, piniarfissamut 100 kilometerit sinnerlugit immakkut nunakkulluunniit ingerlaarfusariaqartut, piniartunut ataasiakkaanut tuttunniarneq imminut akilersinnaasunngortinniarlugu akuersissutinik arlalinnik tunniussisoqarsinnaavoq.

§ 13. Kommuni pineqartoq akuersissutit tunniunneqartut qaqugu aaneqareersimanissaannik piffissarititaasumik aalajangiissaaq. Inuit akuersissummik tunineqarsimasut akuersissummilli

atuisinnaangitsut imaluunniit atuiniangitsut piaarnerpaamik akuersissut atorineqanngitsoq kommunimut utertissavaat.

Imm. 2. Akuersissutit aaneqanngitsut utertinneqarsimasullu kommunalbestyrelsemit ulloq aalajangersarneqartoq kingorna agguateqqinneqassapput. Agguasseqqinneq akuersissutinik utaqqisut allattorsimaffiat tamanut ammasoq naapertorlugu pissaaq, § 12, imm. 3 takuuk, akuersissutinillu utertitsisoqareernerup kingorna piaarnerpaamik pissalluni.

Kapitali 5

Killilikkamik piniarnissamut, tunisinissamut tuniniaanissamullu piumasaqaatit

Killilikkamik tuttunniarnissamut piumasaqaatit

§ 14. Inuit § 10 malillugu akuersissummik aamma piniarnermut atuuttumik allagartaqartut kisimik tuttunniqaqusaapput.

Imm. 2. Akuersissut inummut atiatigut taasamut taamaallaat atuuppoq allanullu tunniunneqaraniluunniit tunineqaqqusaanani.

Imm. 3. Akuersissummi qassinik, piniarnissamut piffissaliussami sorlermi, piniarfimmi sorlermi kiisalu tuttut sorlernik piniartoqaqqusaanersoq allassimavoq.

Imm. 4. Piniarnermut allagartaq ukiumi pineqartumi iluani 1. maaji sioqqullugu akilerneqareersimassaaq, taamaattoq § 34 takuuk.

Tunitsivimmut tunisineq nalinginnaasumillu tunisineq

§ 15. Inuussutissarsiutigalugu tuttunniarsinnaanermut akuersissummi piumasarineqarsinnaavoq tuttumik ilivitsumik ilaanilluunniit neqaarniarfimmu imaluunniit tunitsivimmu tunisinermi neqaarniarfimmu imaluunniit tunitsivimmu uumasut nakorsaqqarfianiit akuerineqarsimasumut tunisoqassasoq imaluunniit inuussutissarsiutigalugu piniartoq tunisinissamut akuersissummik attuuttumik peqassasoq.

Imm. 2. "Kalaalimineerniarfinni" tuttunik tunisineq aamma tuniniaaneq taamaallaat piffissaliussani piniarfusuni aamma piffissaliussap piniarfusup qaangiunneranit ullorsiutit malillugit sivilisunerpaaamik ulluni pingasuni akuerisaavoq.

Kapitali 6

Piniariaatsit aamma piniarnermi ileqqorissaarneq

Inuussutissarsiutigalugu aamma sunngiffimmi qoorortuumik piniarneq

§ 16. Inuussutissarsiutigalugu aamma sunngiffimmi tuttunniarnermi taamaallaat qoorortoq ataatsimik sullulik patruuninillu ataasiakkaanik immertartoq atoqqusaavoq, imm. 2-3 takukkit, taamaattoq § 17 takuuk.

Imm. 2. Qoorortuumik tuttunniarnermi sulloqqortussutsit akuerisaasut minnerpaaffiat .222 Rem-iuvoq. Qoorortuup imassaa qanoq ittuussanersoq nammineq toqqarneqarsinnaavoq.

Imm. 3. Qoorortoq sunaluunniit tuttunniarnermut atorreqartoq nakersarreqarsimassaaq paarilluagaallunilu.

Inuussutissarsiutigalugu aamma sunngiffimmi pisissimik piniarreq

§ 17. Inuussutissarsiutigalugu aamma sunngiffimmi tuttunniarnermi pisisseq inunnit Piniarnermut Naalakkersuisoqarfimmit akuerisaasunit atoqqusaavoq. Pisissimik piniarnermut Danmarkimi imaluunniit nunami allami assingusumi misilitsinnermi angusaqarnermit takussutissartaqartillugu Piniarnermut Naalakkersuisoqarfik akuersissummik tunniussisinaavoq.

Imm. 2. Pisisseq atorlugu inuussutissarsiutigalugu aamma sunngiffimmi tuttunniarnermi piumasaqaatit tullinnguuttut naammassineqareersimassapput:

- 1) Pisisseq Compound-iussaaq (katitigaq / nutaaliaasoq) aaqinneqarsinnaasumik umerfilik / nalunaaqutalik. Qarsut naqqi aalajangersimasut atorreqartillugit nusutsisinaassusaa minnerpaamik 45 pund-iussaaq (21 kg.), qarsullu naqqi mekanisk-iusut atorreqartillugit nusutsisinaassusaa minnerpaamik 55 pund-iussalluni (25 kg.).
- 2) Qarsut aalajangersimasumik naqqullit minnerpaamik 385 grains-inik (25 gr.-inik) oqimaassuseqassapput, qarsullu mekanisk-iusumik naqqullit minnerpaamik 425 grains-inik (28 gr.-inik) oqimaassuseqassallutik.
- 3) Qarsut aalajangersimasumik imaluunniit mekanisk-iusumik naqqoqassapput.

Piniarnermi ileqqorissaarreq

§ 18. Piniarnermi tuttu pisarineqartup nerineqarsinnaasortai tamarmik nassarreqassapput.

Imm. 2. Piniarnermit pisap nerineqarsinnaangitsortai pisaqarfup qimalernerani nassarreqassapput imaluunniit tupeqarfut, illuaraqarfut imaluunniit piniarnermik ingerlatat allat ingerlanneqarnissaat akornusernagit inissinneqassallutik.

Tuttumik pissatamik toqutsineq

§ 19. Tuttumik piniartup pisussaaffigaa tuttu eqqorneqarnermi kinguninnguagut toqusimanera nalornisiginagu qulakkiissallugu.

Imm. 2. Tuttunniarnerup nalaani tuttu pissasup uumasooq piaarnerpaamik toqussavaa.

Imm. 3. Tuttu pissanneqartoq nanineqarnanilu toqunneqanngippat, piniartooq piniarnerup naammassineqarnerata kinguninnguagut Piniarnermut Naalakkersuisoqarfimmut imaluunniit piniarnermut nakkutilliisumut qaninnerpaamut pissutsit piviusut pillugit ilisimatitsissaaq.

§ 20. Inuk tuttunniarnermut piffissap ingerlanerani tuttu pissanneqarsimasumik takunnittup, piaarnerpaamik naalliutsitsinnginnerpaamillu tuttu toqussavaa. Tuttu nerineqarsinnaasutut nalilerneqarpat, tuttu tuttu toqutsisup pissavaa.

Imm. 2. Piffissap piniarfusup avataani toqutsineq pisimappat tuttu toqutaq nikisinnagu qimanneqassaaq.

Imm. 3. Tuttu toqungasooq siumorneqartoq nikisinnagu qimanneqassaaq.

Imm. 4. Takunnittup pisussaaffigaa qanoq pisoqarnera, imm. 1-3 takukkit, piniariereernerup kingorna ullorsiutit malillugit kingusinnerpaamik ullut pingasut qaangiutsinnagit Piniarnermut Naalackersuisoqarfimmut imaluunniit piniarnermut nakkutilliisumut nalunaarutigissallugu.

Kapitali 7

Akiliuteqarluni aallaaniarnermut immikkut piumasaqaatit pisanillu nalunaaruteqartarneq

Akiliuteqarluni piniarnermut immikkut piumasaqaatit

§ 21. Naalackersuisoq piniarnermut akisussaasuusooq inuussutissarsiutigalugu aamma sunngiffimmi piniarnerup kiisalu akiliuteqarluni aallaaniarnerup akornanni pisassiissutinik agguaassinermik aalajangersaassaaq.

Imm. 2. Akiliuteqarluni aallaaniarnermut pisassiissutit tutturniarnissamut pisassiissutinit tamarmiusumit ilanngaatigineqassapput, § 4, imm. 1, takuuk. Naalackersuisoq piniarnermut akisussaasuusup pisassiissutit tamarmiusut, imm. 1 takuuk, uumassusilerinermik siunnersuineq piffissaq pisassiiviusup tamakkiisup ingerlanerani allanngussagaluarpas, nalimmassarsinnaavaa.

Imm. 3. Piniarnermut Naalackersuisoq § 6, imm. 2, naapertorlugu tutturnik akiliuteqarluni aallaaniarnissamut piffissaliussanik 1-mik imaluunniit arlalinnik aalajangersaasinnaavoq.

Imm. 4. Kulavannik norrarnillu akiliuteqarluni piniarneq piffissami 1. januaarimiit 31. juuli ilanngullugu inertequtaavoq.

Akiliuteqarluni qoorortuumik aallaaniarneq

§ 22. Akiliuteqarluni aallaaniarnermi taamaallaat qoorortoq ataatsimik sulluluk patruuninillu ataasiakkaanik immertartoq atoqusaavoq, imm. 2-3 takukkit, taamaattoq § 23 takuuk.

Imm. 2. Qoorortuumik akiliuteqarluni tutturniarnermi sulloqqortussutit akuerisaasut minnerpaaffiat .243 Win-iuvoq. Qoorortuup imassaa qanoq ittuussanersoq nammineq toqqarneqarsinnaavoq.

Imm. 3. Qoorortoq sunaluunniit akiliuteqarluni tutturniarnermut atorneqartoq nakersarneqarsimassaaq paarilluugaallunilu.

Akiliuteqarluni pisissimik qarsumillu aallaaniarneq

§ 23. Piniarnermut Naalackersuisoqarfimmiit akuersisoqareerneratigut pisisseq akiliuteqarluni aallaaniarnermi pisissimik piniarnermut misilitsinnermi takussutissartalimmik angusaqarsimasunit inunnit Danmarkimi imaluunniit nunami allami misilitsinnermi assingusuni angusaqarsimasunit atoqusaavoq.

Imm. 2. Pisisseq qarsorlu atorlugit akiliuteqarluni tutturniarnermi piumasaqaatit tullinnguuttut naammassineqarsimassapput:

1) Pisisseq Compound-iussaaq (katitigaq / nutaaliaasoq) aqqinneqarsinnaasumik umerfilik / nalunaaqutalik. Qarsut naqqi aalajangersimasut atorneqartillugit nusutsisinnaassusaa minnerpaamik 45 pund-iussaaq (21 kg.), qarsullu naqqi mekanisk-iusut atorneqartillugit nusutsisinnaassusaa minnerpaamik 55 pund-iussalluni (25 kg.).

- 2) Qarsut aalajangersimasumik naqqullit minnerpaamik 385 grains-inik (25 gr.-inik) oqimaassuseqassapput, qarsullu mekanisk-iusumik naqqullit minnerpaamik 425 grains-inik (28 gr.-inik) oqimaassuseqassallutik.
- 3) Qarsut aalajangersimasumik imaluunniit mekanisk-iusumik naqqoqassapput.

Akiliuteqarluni aallaaniarnermi pisanik nalunaaruteqartarnej

§ 24. Akiliuteqarluni tuttunniarnermi pisat § 29-mi aalajangersagaqaraluartorluunniit quppersagaq PINIARNEQ imaluunniit www.sullissivik.gl aqqutigalugu nalunaarutigineqassapput.

Imm. 2. Akiliuteqarluni piniartitsineramik aaqqissuisut akuersissutini pisanik immersuiffissat atorlugit Piniarnermut Naalackersuisoqarfimmut nalunaaruteqassapput. Tamatuma kingorna paasissutissat ataatsimoortillugit quppersagaq PINIARNEQ imaluunniit www.sullissivik.gl imaluunniit tutum@nanoq.gl aqqutigalugu nassiunneqassapput.

Kapitali 8

Tuttunniarnermi assartuutininik atuineq

Assartuutit motorillit

§ 25. Assartuutit motorillit tuttunik malersuinermi ungoorinermiluunniit atorneqaqqusaanngillat.

Imm. 2. Assartuutininik motorilinnik nunaannarmi ingerlaarnermi tuttut minnerpaamik 500 meter-inik ungasissuseqarluni qanillineqaqqusaapput.

Qimmit qimussillu

§ 26. Tuttunniarnermi qimmit nassaqqusaanngillat, taamaattorli imm. 2 takuuk.

Imm. 2. Qimminik qimuttoqarfusuni allorniusami kangimukaartup 44°W-p kangiitungaani avannamukaartullu 66°N-p avannaatungaani inissisimasuni qimussit assartuutitut atorneqaqqusaapput.

Imm. 3. Piniarfimmi qimminik qimuttunik qimatsisoqaqqusaanngilaq.

Imm. 4. Qimmit pituussaarlutik qimaasut tigoqqinnerlu sapernartut aallaaneqassapput.

Imm. 5. Qimmit toqungasut timaat piniarfimmi qimanneqaqqusaanngillat.

Imm. 6. Kingusinnerpaamik piniariarnerup naammassinerata kingornatigut qimminik qimuttunik piginnittup qimmit qimaasut pillugit piniarnermik aalisarnermillu nakkutilliisoq qaninnerpaaq nalunaarfigissavaa.

Kapitali 9

Tuttunik tiguserit nuussinerillu

§ 27. Naalackersuisoq piniarnermut akisussaasuusoq qinnuteqartoqareerneratigut piniarnermik imaluunniit inuussutissarsiuteqarnermik siunertalinnut tuttoqatigiinnik pilersitsinissamut tuttunik tiguserinissamut nuussinerimullu akuersissummik tunniussisinnaavoq.

Kapitali 10

Kommunit ileqqoreqqusat

§ 28. Naalackersuisup akuersereerneratigut kommunalbestyrelsi kommunimi ileqqoreqqusaliornikkut nalunaarummi matumani § 3-mi, § 4-mi, § 6-mi, § 8-mi aamma § 18-imi aalajangersakkanit akimmisaarnarnerusunik piumasaqaateqarsinnaavoq.

Kapitali 11

Digitaalikkut imaluunniit pisanik immersuiffissaq aqutugalugu pisanik nalunaaruteqartarneq

§ 29. Tuttut pisat aamma pissatat tamarmik akuersissummik pigisaqartumit piniarnermut piffissaliussap naammassineqarnerata kingornatigut kingusinnerpaamik sapaatip akunnerisa marluk qaangiunneranni ima nalunaarutigineqassapput:

- 1) pisanik digitaalikkut nalunaaruteqarnissamut aqqissuussaq aqutugalugu, imaluunniit
- 2) pisanik nalunaaruteqarnissamut immersuiffissamik kommunimut utertitsinikkut.

Imm. 2. Imm. 1, nr. 2, malillugu nalunaarutigineqartut ataatsimoortillugit piniarnermut piffissaliussap naammassineqarnerata kingornatigut kingusinnerpaamik sapaatip akunnerisa sisamat qaangiunneranni kommunimit tutum@nanoq.gl aqutugalugu Piniarnermut Naalackersuisoqarfimmumt nassiuqqassapput.

Imm. 3. Akuersissutip tunuaniittoq pisanik nalunaaruteqarnissamut immersuiffissaq imaluunniit pisanik digitaalikkut sapinngisamik kingusinnerpaamik uumasup angallammumt pisap assartorneqarnissaanut atugassamut ikinerani immersorneqareersimassaaq.

Kapitali 12

Sullissivik.gl imaluunniit PINIARNEQ aqutugalugu pisanik nalunaarutiginnittarneq

§ 30. Tuttut pisat pissatallu tamarmik naak § 29-mi aalajangersagaqaraluartoq www.sullissivik.gl aqutugalugu imaluunniit PINIARNEQ-mi ukiumoortumik immersuiffissaq atorlugu akuersissummik pigisaqartumit Piniarnermut Naalackersuisoqarfimmumt tutum@nanoq.gl aqutugalugu nalunaarutigineqassapput.

Imm. 2. Nalunaarutiginnineq ukiumi pineqartumi kingusinnerpaamik 15. oktobarimi pissaaq.

Kapitali 13

Nakkutilliineq

§ 31. Kinaluunniit piniarnermik nakkutilliisunit tuttunniarsinnaatitaanini uppersaqqullugu qinnuigineqartup akuersissut atuuttoq kiisalu piniarsinnaanermumt allagartaq atuuttoq takutissavai.

Kapitali 14

Immikkut akuersissuteqartarneq

§ 32. Piniarnermut Naalackersuisoqarfik nalunaarummi matumani aalajangersakkanit ilisimatusarnikkumt aamma ilinniartitsinermumt atatillugu immikkumt akuersissummik tunniussisinnaavoq, tassunga ilanngullugu

ilisimatusarnermik siunertalinnut tuttunik toqutsisinnaanermut allakkatigut akuersissummik tunniussisinnaalluni.

Imm. 2. Imm. 1 malillugu immikkut akuersissuteqartarnermi piumasarineqarpoq ilisimatusarnermik aamma ilinniartitsinermit atatillugu siunertat uumasunik illersuineq pillugu kiisalu uumasut peqqinnerat pillugu maleruagassat atuuttut malillugit ingerlanneqassasut.

Imm. 3. Imm. 1 malillugu immikkut akuersissuteqarnerit Naalakkersuisut quppersagaanni tamanut saqqummiunneqassapput.

§ 33. Tuttut navianartorsiortitsisut imaluunniit angallannermit atatillugu annertuumik akornusersuisut allakkatigut Piniarnermut Naalakkersuisoqarfimmut qinnuteqarnikkut qimaatinneqarsinnaasimangippata toqunneqarsinnaapput. Sakkut imassallu § 16-imi piumasaqaatinut naapertuuttussaapput.

Imm. 2. Tuttut imm. 1 naapertorlugu toqutat Kalaallit Nunaanni Namminersorlutik Oqartussanut pigisussanngortinneqassapput.

Imm. 3. Tuttumik toqutsinermi akisussaasup ullorsiutit malillugit kingusinnerpaamik ullut pingasut qaangiutsinnagit toqutsinerup qanoq ingerlasimanera Piniarnermut Naalakkersuisoqarfimmut nalunaarutigissavaa.

Imm. 4. Tuttup imm. 1 malillugu toqunneqartup qanoq pineqarnissaa Naalakkersuisoqarfup aalajangissavaa.

§ 34. Naak § 14-imi imm. 4-mi aalajangersagaqaraluartoq aqutsinermi pissutsit aallaavigalugit piniarnermut allagartap 1. maaji sioqqullugu akilerneqarsimanissaa pillugu piumasaqaatip tamanut atuuttumik atuutinneqannginnissaa Naalakkersuisup piniarnermut akisussaasup immikkut ittumik akuersissutigisinnaavaa.

Kapitali 15

Pineqaatissiissuteqartarneq

§ 35. Kalaallit Nunaanni pinerluttulerinermit inatsimmi malittarisassat malillugit makku akiliisitsinermik kinguneqarsinnaapput:

- 1) pissutsinik nalunaarutip imarisaanut attuumassuteqartunik pisortanut oqartussaasunut eqqunngitsunik paatsuungatitsisinnaasunilluunniit paasissutissiineq,
- 2) § 3 naapertorlugu eqqissisimatitsineq pillugu aalajangersakkanik imaluunniit § 4, imm. 1-4-mi, § 6, imm. 1-mi aamma 2-mi, imaluunniit § 9, imm. 1-mi, immikkut ilanngunneqanngitsunik unioqqutitsineq,
- 3) akuersissummi § 14 naapertorlugu tunniunneqartumi piumasaqaatinik unioqqutitsineq,
- 4) § 15 naapertorlugu tunisineq pillugu piumasaqaatinik unioqqutitsineq,
- 5) sakkunik imassanillu atuinissaq pillugu malittarisassanik unioqqutitsineq, §§ 16 aamma 22 takukkit,
- 6) piniutit piniariaatsillu akuerisaasut pillugit malittarisassanik unioqqutitsineq, §§ 17 aamma 23 takukkit,
- 7) tuttup pisarineqartup ilaanik § 18-imut akerliusumik qimatsineq,
- 8) tuttumik pissanneqarsimasumik eqqortumik piaarnerpaamillu toqutsinissaq pillugu pisussaaffinnik naammassinninnginneq, imaluunniit tuttu pissanneqartooq nanineqanngippat oqartussaasunut

attuomassutilinnut piniarnerup naammassineqarnerata kinguninnguatigut pissutsit piviusut pillugit ilisimatitsinnginneq, § 19, imm. 1-3, takuuk,

9) tuttumik pissanneqarsimasumik eqqortumik toqutsinissaq pillugu pisussaaffinnik naammassinninnginneq, piffissap piniarfiusup avataani tuttumik toqunneqarsimasumik angerlaassineq imaluunniit pisimasut pillugit oqartussaasunut attuumassutilinnut piffissaq eqqorlugu ilisimatitsinnginneq, § 20, imm. 1, 3 aamma 4, takukkit,

10) piniarnissamut piffissaliussap avataatigut tuttumik toqunneqarsimasunik inatsisunik unioqqutitsisumik angerlaassineq, § 20, imm. 2 takuuk,

11) tuttumik akiliuteqarluni aallaaniarnermi pisarineqartunik pisanik nalunaaruteqarnissamut periutsit aalajangerneqartut aqqutigalugit pisanik nalunaaruteqannginneq, § 24 takuuk,

12) assartuutit motoorilinnik tuttumik piniarnissamut imaluunniit ungoorinissamut atuineq imaluunniit tutunut uumasunut minnerpaamik 500 meter-inik ungasissuseqannginneq, § 25 takuuk,

13) § 27-mut akerliusumik tuttumik passussineq,

14) pisanik imaluunniit pissatanik paasissutissanik piumasarineqartunik piffissaliussap iluani nalunaaruteqannginneq imaluunniit malittarisassat atuuttut malillugit pisanik nalunaaruteqarnissamut immersuiffissamik immersuinnginneq, § 29, imm. 1 aamma 3, takuuk,

15) piffissaliussap iluani nalunaaruteqarnissamullu periutsit aalajangerneqartut atorlugit Piniarnermut Naalakkersuisoqarfimmu paasissutissanik piumasarineqartunik nalunaaruteqannginneq, § 30 takuuk,

16) § 31 malillugu peqqussummik nalunaarutigineqarsimasumik malinninnginneq, imaluunniit

17) nalunaarummi § 32 aamma § 33 naapertorlugu immikkut akuersissuteqarnermut imaluunniit akuersissummut piumasaqaatinik qangiinnaaneq.

§ 36. Nalunaarummi matumani aalajangersakkanik unioqqutitsineq piniarneq aallaaniarnerlu pillugit inatsimmi §§ 41-46 naapertorlugit arsaarinninnermik kinguneqarsinnaavoq.

Kapitali 16

Atulersitsinermit atorunnaarsitsinermullu aalajangersakkat

§ 37. Nalunaarut manna atuutilerpoq ulloq 27. juuli 2025-mi.

Imm. 2. Peqatigitillugu tuttu njuartat illersugaanerit piniagaanerallu pillugit Namminersorlutik Oqartussat nalunaarutaat nr. 7, 27. juuni 2013-imeersoq, atorunnaarsinneqarpoq.

Kalaallit Nunaanni Namminersorlutik Oqartussat, ulloq 27. juuni 2025

Peter Borg (atsior.)

Aalisarnermut, Piniarnermut, Nunalerinermut Imminullu Pilersornermut Naalakkersuisoq

/Emanuel Rosing (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut